

全上古三代秦漢三國六朝文

全後漢文卷四十一

烏程嚴可均校輯

應劭九

風俗通義六

災異

續漢五行志故太山太守應劭給事中董巴散騎常侍譙周竝撰建武百來災異故知當有災異一篇

順帝之末京師謠曰直如弦

如一作於

死道邊曲如鉤反

乃一作

封侯

袁淑白馬篇注御覽七百六十七

桓帝元嘉中京師婦人作愁眉啼妝墮馬髻折腰步齟齬笑愁眉者細而曲折啼妝者薄拭目下若啼痕墮馬髻者側在一邊折腰步者足不任體齟齬笑者若齒痛不忻忻始自梁冀家所為京師翁然皆放效之天戒若曰將收捕冀婦女憂愁蹙眉將啼也後漢傳注御覽三百六十五又四百八十八錢秦天戒曰下語意未完續五行志云天戒若口兵馬將往收捕婦女憂愁蹙眉啼泣吏卒擊頓折其腰脊令髻敬斜雖強笑語無復氣味也

延熹中京師長者皆著木屐婦女始嫁至作漆畫屐五采爲系諱
案黨事始發傳詣黃門北寺臨時惶恐不能信天任命多有逃亡
不就考者九族拘繫及所過歷長幼婦女皆被桎梏應木屐像矣

御覽六百四十四

又六百九十八

桓帝初京師童謠曰車班班入河間言徵靈帝者輪班擁節入河

間也

續漢書五行志注

京師童謠曰噲復噲今年尚可後年饒

京師謠歌曰烏臘烏臘案逆臣董卓滔天虐民窮凶極惡關東舉
兵欲共誅之轉相顧望莫肯先進處處停兵數十萬若烏臘蠹相
隨橫取之矣

中平中京師歌董逃董卓曰董逃之歌主爲已發大禁絕之死者

千數俱同上

孝靈帝建寧中京師長者皆曰葦辟疑方笥爲妝其時有識者然

言輦方筥郡國讞篋也今珍用之天下皆當有罪讞于理官也後
黨錮皆讞廷尉人名悉入輦方筥中斯爲驗矣善妙百三十五
御覽七百十一

靈帝時京師賓婚嘉會皆作魁榼酒酣之後續曰挽歌魁榼喪家
之樂挽歌執紼相偶和之者天戒若曰國家當急殄悴諸貴樂皆
死亡也自靈帝崩後京師壞滅戶有兼屍蟲而相食魁榼挽歌斯
之效乎續漢書五
行志注

靈帝數日車騎將軍過拜擊臣內孽又贈亡人顯號加于頑凶印
綬汗于腐屍昔辛有睹被髮之祥知其爲戎今假號雲集不亦宜
乎同上

靈帝于西園宮中駕四白驢躬自操轡馳驅周旋曰爲大樂于是
公卿貴戚轉相倣至乘軒曰爲騎從價與馬齊凡人相罵曰死驢
醜惡之稱也董卓陵虐王室執政皆死驢者服重致遠上下山谷
野人之所用耳何有帝王君子而驂駕之者乎天意若曰國有大

亂賢愚倒植凡執政者皆如驢也御覽九百一

靈帝好胡服胡帳胡牀京師皆競為之後董卓擁胡兵掠宮掖御覽

六百九十九
又七百六

光和元年司徒長史馮巡馬生胡子問養馬胡蒼頭乃姦此馬曰

生子續漢書五行志注

光和中雒陽男子夜龍從兄陽求臘錢龍假取絲數頗厭患之陽

與錢千龍意不滿欲破陽家因持弓矢射玄武東闕三發吏士呵

縛首服因是遣中常侍尚書御史中丞直事御史謁者衛尉司隸

河南尹雒陽令悉會發所劾時為太尉議曹掾白公鄧盛夫禮設

闕觀所已飾門章于至尊懸諸象魏示民禮法也故車過者下步

過者趨今龍乃敢射闕意慢事醜次于大逆宜遣主者參問變狀

公曰府不主盜賊當與諸府相俟劾曰丞相邴吉曰為道路死傷

既往之事京兆長安職所窮逐而住車問牛喘吐舌者豈輕人而

貴者哉。頗念陰陽不和，必有所害。掾史爾乃悅服，漢書嘉其達大體。今龍所犯，然中外奔波，邴吉防患太豫，況于已移昭晰者哉。明公既處宰相大任，加掌兵戎之職，凡在荒裔，謂之大事，何有近日下而致逆節之萌者。孔子攝魯司寇，非常卿也。折僭溢之端，消纖介之漸，從政三月，惡人走境，邑門不闔。一作外收強齊侵地，內虧三桓之威。區區小國，尚于趨舍，大漢之朝，焉可無乎。明公恬然謂非已。已下當詩云：儀刑文王，萬國作孚。當為人制法，何必取法于人。于是公意大悟，遣令史謝申，曰：鈐下規，應掾自行之，還其條。奏時，靈帝詔報惡，惡止其身。龍曰：重論之，陽不坐其後。車騎將軍何苗與兄大將軍進，部兵相攻擊，戰于闕下。苗死，兵敗，殺數千人。龍者，陽類君之象也。夜者，不明之應也。此其象也。同上。熹平二年六月，雒陽民譌言：虎賁寺東壁中，有黃人形容，鬚眉良是。觀者數萬，省內悉出。劭時為郎，故往視之。何在其有人也。走歸

汗處膩赭流漉壁有他剝數寸曲折耳謹案季夏土黃中行用事
又在壁中壁亦土也。呂見于虎賁寺者虎賁國之祕兵扞難禦侮
必示于東東者動也言當出師行將天下搖動也天之呂類告人
甚于影響也。同上

光和四年四月南宮中黃門寺有一男子長九尺服白衣中黃門
解步呵問汝何等人白衣妄入宮掖曰我梁伯夏後天使我爲天
子步欲前收取因忽不見謹案尚書春秋左傳曰伯益佐禹治水
封于梁颺叔安有裔子曰董父實甚好龍龍多歸之帝舜嘉之賜
姓董氏董氏之祖與梁同焉到光熹元年董卓自外入因閒乘釁
廢帝殺后百官總已號令自由殺戮決前威重于主梁本安定而
卓隴西人俱涼州也天戒若曰卓不當專制奪矯如白衣無宜蘭
入宮也白衣見黃門寺。一云白衣見中黃門寺曹騰之家及卓之末中黃門誅滅
之際事類如此可謂無乎。同上

靈帝之末禮樂崩壞賈刑失中毀譽無驗競飾偽服曰盪典制遠

近翕然咸名後生放聲者為時人放聲二有識者竊言舊曰世人

次日俗人今更曰時人此天促其期也其間無幾天下大壞也上

嘉平中有兩榜一宿長丈餘作人狀頭目宛然御覽九百五十九

夏禹廟中有梅梁忽一春木有生字枝葉御覽九百七十

靈帝光和七年五行志作中平元年陳雷濟陰諸郡西及成皋陽武城郭路

邊艸生作人狀操持矛弩牛馬萬狀備具五行志注有非但彷彿類自然也二句後

關東義兵先起于宋衛之郊東郡太守橋瑁負眾怙亂陵蔑同盟

忿嫉同類曰殞厥命陳雷濟陰迎助謂為離德棄好即戎吏民殲

殘艸娛之異豈不或信續漢書五行志注御覽九百九十四

中平中懷陵上有雀萬餘亂鬪殺頭懸著樹也御覽九百二十二

賜進士出身二品銜廣東寧遠提刑按察使司按察使兼管驛傳事務黃岡王毓滋校刊

全後漢文卷四十二

烏程嚴可均校輯

應瑒

瑒字德楫，劭弟珣之子。曹公辟為丞相掾，轉平原侯庶子。後為五官將，文學有集五卷。

愁霖賦

聽屯雷之恆音兮，聞左右之歎聲。情慘憤而含欷兮，起披衣而遊庭。三辰幽而重闕，蒼曜隱而無形。雲曖曖而周馳，雨濛濛而霧零。排房帳而北入，振蓋服之沾衣。還空牀而寢息，夢白日之餘暉。惕中寤而不效兮，意悽悽而增悲。藝文類聚二

靈河賦

咨靈川之遐原兮，于崙崑之神丘。凌增城之陰隲兮，賴后土之潛流。銜積石之重險兮，披山麓而溢浮。蹶龍黃而南邁兮，紆鴻體而

因流涉津洛之阪泉兮

藝文類聚洛播九道乎中州汾澠涌而騰

作路阪作澠

鴛兮恆亶亶而徂征肇乘高而迅逝兮陽侯怖而振驚有漢中葉

金隄墮而瓠子傾興萬乘而親務董羣后而來營下淇園之豐蓀

投玉璧而沈星若夫長杉峻檝茂栝芬樞扶流灌列暎水蔭防隆

條動而暘清風白日顯而曜殊光

水經河水注五藝文類聚八初學記六

龍搜白鯉越艇蜀舫沂游覆水帆柁如林

北堂書鈔未改本一百三十七一百三十八

正情賦

夫何媛女之殊麗兮咨溫惠而明哲應靈和呂挺質體蘭茂而瓊

潔方往載其鮮雙曜來今而無列發朝陽之鴻暉流精睇而傾泄

既榮麗而冠時援申女而比節余心嘉夫淑美願結歡而靡因承

窈窕之芳美情踊躍乎若人魂翩翩而夕遊甘同夢而交神晝彷彿

徨于路側宵耿耿而達晨清風厲于玄序涼飈逝于中唐聽雲鴈

之翰鳴察列宿之華輝南星晃而電隕偏雄肅而特飛冀騰言已

俯首嗟激迅而難追，傷往禽之無隔，悼流光之不歸，愍伏辰之方逝。哀吾願之多違，步便旋以永思，情慘慄而傷悲，還幽室以假寐。固展轉而不安神，眇眇已潛翔，恆存遊乎所觀，仰崇夏而長息。動哀響而餘歎，氣浮踊而雲館，腸一夕而九煩。魏文類聚十八

撰征賦

奮皇佐之豐烈，將親戎乎幽都，飛龍旗以雲曜，披廣路而北巡。崇殿鬱其嵯嶷，華宇爛而舒光，擣雲藻之雕飾，流輝采之渾黃。辭曰：烈烈征師，尋遐庭兮，悠悠萬里，臨長城兮。周覽郡邑，思既盈兮。嘉想前哲，遺風聲兮。魏文類聚五十九

西征賦

鸞衡東指，弭節蓬澤。

水經二十
二渠水注

西狩賦

伊炎漢之建安，飛龍躍乎天衢。皇宰弈而陶運，樹匡翼而大摹。盪
無妄之氛穢，揚威靈乎八區。開九土之舊迹，暨聲教于海隅。時霜
淒而淹野，寒風肅而川逝。草木紛而搖蕩，鷲鳥別而高厲。既乃揀
吉日練嘉辰，清風矢戒。屏翳收塵，于是魏公乃乘彫輅，駟飛黃擁
蕭鈺，建九幢。按轡清途，颯沓風翔。屬車轆轉，羽騎騰驤。二句從北
補于是圍網周合，雷鼓天震。千乘長羅，萬表星陳。雙翼伉旌，八校
祖分。長燧電舉，高煙蔽雲。爾乃徒興竝興，方軌連質。驚威四駭，衝
禽驚溢。騁獸塞野，飛鳥蔽日。爾乃赴玄谷，陵崇巒。俯掣奔猴，仰捷
飛猿。雲幕被于廣野，京燎照乎平原。醴醑充給，洪施普宣。蘇文類
聚六十

六
馳射賦

于是陽春嘉日，講肆餘暇。將逍遙于郊野，聊娛遊于騁射。延賓鞠
旅，星言夙駕。樹應鞞于路左，建丹旗于表路。羣駿籠茸于衡首，咸

皆腰裏與飛苑隴修勒而容與竝軒翥而馬怒二句非御三

乃結翻倅齊偷匹良樂授馬孫臆調馴籌筭克切班次均壺左攬百五十八補

繁弱右接湛衛控滿流睇應弦飛碎旛動鼓震譟聲雷激重破累

礫流景倏忽紛紜絡驛次授二八放鞚長驟御覽三百五十八作鞚門神足奔

越終節三驅矢不虛發進截飛鳥顧摧月支須紆六鈞口彎七規

觀者并氣息而傾竦咸側企而騰移爾乃紫迴盤厲按節和旋刷

刷神厲體若飛仙弈弈駢牡既佶且閑揚驅沛艾雙略相連類聚

六十八御覽三百五十八引兩條

節飾齊明文選蕭白馬賦注

校獵賦

乃命有司巡士周尋二虞萊野三扈表禽北彌大陸南厲黃岑初

記二十

二兩引

騰玄眸而睞青陽離朱唇而耀雙輔紅顏暉而和姪時調聲曰笑

語御覽三百八十一

車渠挽賦

惟茲婉之珍瑋誕靈岳而奇生扇不周之芳烈漫瓊露曰潤彤蔭
碧條曰納曜喻朝霞而發粲紛元黃曰彤裔暉豹變而龍華象蜿
虹之輔體中含曜乎雲波若其眾色鱗聚卓度詭常網緼雜錯乍
圓乍方蔚術繁興散列成章揚丹流縹碧玉飛黃華氣承朗內外
齊光藝文類聚七十三

竦迷迭賦

列中堂之嚴宇跨階序而駢羅建茂莖曰竦立擢脩餘而成阿燭
白日之炎陰承翠碧之繁柯朝敷條曰誕飭夕結秀而垂華振纖
枝之翠粲動採葉之莓莓舒芳香之酷烈乘清風曰徘徊藝文類聚八十一

御覽九百八十二

楊柳賦

赴陽春之和節植織柳曰承涼。攄豐節而廣布紛懔勃曰敷陽。三
春候其奄過景日赫其垂光振鴻條而遠壽迴雲蓋于中唐。蘇文
類聚

九十

鸚鵡賦

何翩翩之麗鳥表眾豔之殊色被光耀之鮮羽流玄黃之華飾苟
明哲之弘慮從陰陽之消息秋風厲而潛形蒼神發而動翼。蘇文
類聚

九十

愬驥賦

愬良驥之不遇兮何屯否之弘多抱天飛之神號兮悲當世之莫
知赴玄谷之漸塗兮陟高岡之峻崖懼僕夫之嚴策兮載悚慄而
奔馳懷殊姿而困遇兮願遠迹而自舒思奮行而驥首兮叩繯絲
之紛拏牽繁轡而增制兮心情結而槃紆涉通遠而方舉兮迫輿

僕之我拘抱精誠而不暘兮鬱神足而不摠思歸翁于西土兮望伯氏于東隅願浮軒于千里兮曜華輓乎天衢瞻前軌而促節兮願後乘而踟躕展心力于知己兮甘邁遠而忘敏哀二哲之殊世兮時不遺乎良造制銜轡于常御兮安獲騁于遐道

漢文類聚九十三

長戟百萬胡馬千羣

御覽三百五十三

報龐惠恭書

夫蕭艾之歌發于信宿子衿之思起于嗣音況實三載能不有懷雖螢草樹背泉蘇在側悵憤不寤祇曰增羨朝隱之官賓不往來喬木之下曠無休息抱勞而已足下剖符南面振威千里行人子羽朝夕相繼曾不枉咫尺之路問蓬室之舊過意賜書辭不半紙慰藉輕于綰緘譏望重于丘山是角弓之詩所曰為刺也值鷺羽于苑丘騁駿足于株林發明月之輝光照妖人之窈窕斯亦所曰

眩耳目之觀聽亡身命于知友者也。藝文類聚二十二

釋賓

聖人不違時而遯跡賢者不背俗而遺功。文選七命注

九有威夷始失其政。文選袁宏三國名臣序贊注

子猶不能騰雲閣攀天衢。文選劉峻廣絕交論注

文質論

蓋皇穹肇載陰陽初分日月運其光列宿曜于文百穀麗于土芳華茂于春是曰聖人合德天地稟氣滄靈仰觀象于玄表俯察式于羣形窮神知化萬物是經故否泰易趨道無攸一二政代序有文有質若乃陶唐建國成周革命九官咸乂濟濟休令火龍黼黻曄曄于廊廟袞冕旂旒鳥奕乎朝廷冠德百王莫參其政是曰仲尼歎煥乎之文從郁郁之盛也夫質者端一玄靜儉嗇潛化利用承清泰御平業循軌量守成法至乎應天順民撥亂夷世摘藻奮

權赫奕丕烈紀禪協律禮儀煥別覽墳丘于皇代建不刊之洪制
顯宣尼之典教探微言之所繁若乃和氏之明璧輕穀之徒裳必
將遊玩于左右振飾于宮房豈爭牢僞之勢金布之剛乎且少言
辭者孟僖所曰荅郊勞也寡智見者慶氏所曰困相鼠也今子棄
五典之文罔禮智之大信管望之小尋老氏之戒所謂循軌常趨
未能釋連環之結也且高帝龍飛豐沛虎據秦楚唯德是建唯賢
是與陸酈擣其文辯良平奮其權譎蕭何創其章律叔孫定其庠
序周樊展其忠教韓彭列其威武明達天下者非一士之術營宮
廟者非一匠之矩也逮自高后亂德損我宗劉朱虛軫其慮辟強
釋其憂曲逆規其模酈友詐其遊襲據北軍實賴其疇豕鬪之不
替竇四老之由也夫諫則無議曰陳問則服汗沾濡豈若陳平敏
對叔孫據書言辨國典辭定皇居然後知質者之不足文者之有

餘執文類聚

二十二

奕勢

蓋其奕之制所由來尚矣有像軍戎戰陣之紀旌旗既列權慮蜂起絡繹雨集魚鱗鴈峙奮維開翼回衛邊鄙寇動北憂備在南尾二語從御覽補或飾遁偽旋卓轅幟列羸師延敵一乘虛絕歸不得合兩見擒滅淮陰之謨拔旗之勢也或匡設無常尋變應危寇動北壘備在南麾中其既捷回表自虧亞夫之智耿弇之奇也或假道四布周爰繁昌雲合星羅侵逼郊場師弱眾寡臨據孤亡披掃疆禦廣略土疆昆陽之威官渡之方也挑誘既戰見欺敵對紛拏相救不量進退羣聚俱隕力行唐突瞋目悲憤覆局崩潰項將之咎楚懷之悖也時或失謬收奔攝北還自保固完聚補塞見可而進先負後剋燕昭之賢齊項之德也長驅馳逐見利忘害輕敵寡備所喪彌大臨疑猶豫算慮不詳苟貪少獲不知所亡當斷不斷還為所謀項羽之失吳王之尤也持棊相守莫敢先動由楚漢之兵相

拒索鞶也

戴文類聚七十四
御覽七百五十三

黃香

香字文疆江夏安陸人建初中除郎中元和中拜尚書郎永元
中進左丞累遷尚書令延光初出為魏郡太守後坐事免有集

二卷

九宮賦

伊黃靈之典度存乎文昌之會宮翳華蓋之葳蕤依上帝曰隆崇
握璇璣而布政總四七而持綱和日月之光曜均節度曰運行序
列宿之煥爛咸垂景曰煌煌歷天陰之晦晦陽玉石曰炳明鏡大
道之浩廣泐沈潛曰扎坎眇旭歷而鏡銀廓岷嶧曰閱閭即蹠縮
曰檄檣坎熒援曰消楊騁驥驪囑曰差羸礎礫皓臨曰駿樂銀拂
律曰順游徑閭闔戴文類聚
作閭闔而出玉房謁五嶽而朝六宗對祝融
而督勾芒蕩翊翊而傲降聊優游曰尚陽蹠崑崙而踏碣石跪底

柱而跨大行，肘熊耳而據桐柏，介嶠冢而持外方，浣彭蠡而洗北海，淬五湖而激華池，粉白沙而曉定容，卷南越，曰騰歷，連明月，曰爲懸劍，駭難曰爲叙繞，績組而攝雲鬱，垂獨壺而服離徒，戴巢岌而帶繚繞，曳陶匏，曰委蛇，乘根車而駕神馬，騶駿馴而俠窮奇，使織女，驂乘，王良爲之御，三台執兵，而奉引軒轅，乘駟馳而先驅，招搖豐隆，騎師子而俠轂，各先後，曰爲雲車，左青龍而右蒼鱗，前七星而後騰蛇，徵太一而聚羣神，趣熒惑而叱太白，東井輟轆而播灑，葇勃佛仿，曰捎擊，四微塵于干道，絕引者而驚鞞，蚩尤之倫，玠璘而耍班斲，垂金干而撻雄戟，操巨燧之礮，駭齊佩機而鳴廓，狼狐發張而外饗，枉矢持芒，曰咋嶠，迅衝風而突飛電，振雲崕岫而土壘，山龍狡猾而蹴踐，剽走札揭而獠桔，梗櫟略獲而突列，蝟橋律屈而卻梁，黨巷澹而觸螟，蜓扶磬，礮而扑雷公，標擊缺而拂勃，波奮雲旗而椎鴻，鐘聲滄淪，曰純侷，四海澹而祐地，梁碎太山而

刺嵩吸江河而嘷九江登嶽之釐臺闕天門而閃帝宮享嘉命而延壽樂斯宮之無窮

古文苑藝文類聚七十八

讓東郡太守疏

臣江淮孤賤愚矇小生經學行能無可算錄遭值太平先人餘福得已弱冠特蒙徵用連階累任遂極臺閣訖無纖介稱報恩効死誠不意悟卒被非望顯拜近郡尊位千里臣聞量能授官則職無廢事因勞施爵則賢愚得宜臣香小醜少爲諸生典郡從政固非所堪誠恐矇頑孤忝聖恩又惟機密端首至爲尊要復非臣香所當久奉承詔驚惶不知所裁臣香年在方剛適可驅使願乞餘恩畱備冗官賜已督責小職任之宮臺煩事已畢臣香螻蟻小志誠願目至願土灰極榮

後漢黃香傳

畱爲尚書令上疏

曰錐刀小用蒙見宿畱

文選曹植求通親親表注引東觀漢記

樂承王甚罪議

自非聖人不能無過故王太子生為立賢師傅曰訓導之是曰目不見惡耳不聞非能保其社稷高明令終甚少長藩國內無過庭之訓外無師傅之道血氣方剛卒受榮爵幾微生過遂陷不義臣聞周官議親恣愚見赦甚不殺無辜曰譴呵為非無赫赫大惡可裁削奪損其租賦令得改過自新革心向道後漢樂成王黨傳注帝宏議云云又引黃香集香與宏共奏此香之辭也

天子冠頌

惟永元之盛代聖皇德之茂純躬烝烝之至孝崇敬順曰奉天曰三載之孟春建寅月之上旬皇帝將加玄冕簡甲子之元辰厥曰王于太皞厥時叶于百神皇興幸夫金根六玄虬之連螭建螭龍曰為旂鳴節路之和鑾既臻廟曰成禮乃迴軫而反宮正朝服曰享燕撞大簇之庭鐘祚蕃屏而鼎輔暨夷蠻之君王咸進酌于金

全後漢文卷四十一
韓獻萬壽之玉觥

通典五十六初學記十四御覽五百四十四

屏風銘

古典務農刻鏤傷民忠在竭節義在修身

書鈔一百三十二御覽五百九十七

黃瓊

瓊字世英香子初曰父任除太子舍人不就後五府俱辟不應
永建中徵拜議郎遷尚書僕射進尚書令出為魏郡太守建和
初遷太常元嘉初代胡廣為司空免復為太僕永興初代吳雄
為司徒尋代胡廣為太尉延熹初坐忤梁冀免復為大司農冀
誅復為太尉封邠鄉侯免復為司空免七年卒年七十九贈車
騎將軍諡曰忠侯

因災異上疏薦黃錯任棠

間者已來卦位錯謬寒燠相干蒙氣數興日闇月散原之天意殆
不虛然陛下宜開石室案河洛外命史官悉條上永建目前至漢

初災異與永建已後訖于今日孰爲多少又使近臣儒者參考政事數見公卿察問得失諸無功德者宜皆斥黜臣前頗陳災眚并薦光祿大夫樊英太中大夫薛苞及會稽賀純廣漢楊厚未蒙御省伏見處士巴郡黃錯漢陽任棠年皆耆耄有作者七人之志宜更見引致助崇大化

後漢黃瓊傳

因六旱復上疏

昔魯僖遇旱曰六事自讓躬節儉閉女謁放讒佞者十三人誅稅民受貨者九人退舍南郊天立大雨今亦宜願省政事有所損闕務存質儉曰易民聽尚方御府息除煩費明敕近臣使遵法度如有不移示曰好惡數見公卿引納儒士訪曰政化使陳得失又囚徒尚積多致死亡亦足目感傷和氣招降災旱若改做從善擇用嘉謀則災消福至矣

後漢黃瓊傳

上疏請行藉田禮

自古聖帝哲王莫不敬恭明祀增致福祥故必躬郊廟之禮親藉
田之勤曰先羣萌率勸農功昔周宣王不籍千畝虢文公曰爲大
譏卒有美戎之難終損中興之名竊見陛下遵稽古之鴻業體虔
肅曰應天順時奉元懷柔百神朝夕觸塵埃于道路晝暮聆庶政
曰卹人雖詩詠成湯之不迨違書美文王之不暇食誠不能加今
廟祀適闕而祈穀絜齋之事近在明日臣恐左右之心不欲屢動
聖躬曰爲親耕之禮可得而廢臣聞先王制典籍田有日司徒咸
戒司空除壇先時五日有協風之應王卽齋宮饗醴載耒誠重之
也自癸巳曰來仍西北風甘澤不集寒涼尚結迎春東郊既不躬
親先農之禮所宜自勉曰逆和氣曰致時風易曰君子自強不息
斯其道也伏願陛下率羣后冕旒三推則和澤滂流蒼生有賴

黃瓊傳又見袁宏後漢紀十九又御覽五百三十二引漢名臣奏又五百三十七

疾篤上疏

臣聞天者務剛其氣，君者務彊其政。是曰王者處高自持，不可不安。履危任力，不可不據。夫自持不安，則顛任力不據，則危。故聖人升高據上，則曰德義爲首，涉危蹈傾，則曰賢者爲力。袁宏紀作則曰忠賢爲助唐堯曰德化爲冠冕，曰稷契爲筋力。高而益崇，動而愈據。此先聖所曰長守萬國，保其社稷者也。昔高皇帝應天順民，奮劍而王，掃除秦項，革命創制，降德流祚。至于哀平，而帝道不綱，稅政日亂，遂使姦佞擅朝，外戚專恣，所冠不曰仁義爲冕，所蹈不曰賢佐爲力。終至顛蹶，滅絕漢祚。天維陵弛，民鬼慘愴，賴皇乾眷命，炎德復輝。光武曰聖武，天挺繼統，興業創基，冰泮之上，立足枳棘之林，擢賢于眾愚之中，畫功于無形之世，崇禮義于交爭，循道化于亂離。是自歷高而不傾，任力危而不跌，興復洪祚，開建中興，光被八極，垂名無窮。至于中葉，盛業漸衰，陛下初從藩國，爰升帝位，天下拭目，謂見太平，而卽位曰來，未有勝政。諸梁秉權，賢宦充朝，重封累聯。

全宋文卷四十二
一
傾動朝廷。卿校牧守之選皆出其門。羽毛齒革明珠南金之寶。殷滿其室。富擬王府。勢回天地。言之者必族。附之者必榮。忠臣懼死。而杜中萬夫怖禍。而木舌塞陛下耳目之明。更爲聾瞽之主。故太尉李固杜喬。忠曰直言。德曰輔政。念國忘身。隕歿爲報。而坐陳國議。遂見殘滅。賢愚切痛。海內傷懼。又前白馬令李雲。指言宦官罪穢。宜誅。皆因眾人之心。曰救積薪之傲。弘農杜眾。知雲所言宜行。懼雲曰。忠獲罪。故上書陳理之。乞同日而死。所曰感悟國家。庶雲獲免。而雲既不辜。眾又并坐。天下尤痛。益曰。怨結故朝野之人。曰忠爲諱。昔趙殺鳴犢。孔子臨河而反。夫覆巢破卵。則鳳皇不翔。刻牲天胎。則麒麟不臻。誠物類相感。理使其然。尚書周永。昔爲沛令。素事梁冀。非其威勢。坐事當罪。越拜令職。見冀將衰。乃陽毀示忠。遂因姦計。亦取封侯。又黃門協邪。羣輩相黨。自冀興盛。腹背相親。朝夕圖謀。共構姦軌。臨冀當誅。無可設巧。復記其惡。曰。要爵賞。陛

下不加清激審別真偽復與忠臣尙書令尹勲等已上六字後

時顯封使朱紫共色粉墨雜蹂所謂抵金玉于沙磔碎珪璧于泥

塗四方聞之莫不憤歎袁宏紀作叩心傷陛下失賞于見誣虧爵于姦臣

二語從袁宏紀補昔曾子大孝慈母投杼伯奇至賢終于流放夫讒諛所

舉無高而不可升阿黨相抑阿黨二字從袁宏紀補無深而不可淪可不察

歟陛下年在方剛聖慮未衰願還既誤之封折后族之勢夫懷寶

者須世抱璞者待時陛下誠能行臣所陳則懷寶抱璞之徒特將

竭力致身曰趨聖世曰上五十七字從袁宏紀補臣至頑鯨世荷國恩身輕位

重勤不補過然懼于永歿負戮益深敢曰垂絕之日陳不諱之言

庶有萬分無恨三泉後漢黃瓊傳又見袁宏後漢紀二十二有刪節亦有多出語

上言舉吏宜覆試

覆試之作將曰澄洗清濁覈實虛濫不宜改革後漢黃瓊傳

封梁冀議

天一作大

冀前已親迎之勞，增邑三千。又其子肩亦加封賞。昔周公輔相成王，制禮作樂，化致太平，是曰天啟土宇，錫曰山川，開地七百，郊祀天地，行天子禮，此百世未有。唯周公宜之耳。今諸侯曰戶邑為制，不曰里數為限，蕭何識高祖于泗水，霍光定傾危，曰興國皆益戶，增封曰顯其功，冀可比鄧禹合食四縣，賞賜之差，同于霍光，使天下知賞必當功，爵不越德。

袁宏後漢紀二十一又後漢黃瓊傳少五語

黃琬

琬字子琰，瓊孫。永興初，曰公孫拜童子郎，不就。後為五官中郎將，黨事起，禁錮幾二十年。光和末，徵拜議郎，擢青州刺史，遷侍中。中平初，出為右扶風，徵拜將作大匠，歷少府、太僕，出為豫州牧，封關內侯。董卓秉政，徵拜司徒，遷太尉，更封陽泉鄉侯。免後，為光祿大夫，及徙西都，轉司隸校尉。與王允謀誅卓，卓將李傕等破長安，被收死獄中。

奏論樊穉許相

太尉樊穉司徒許相皆竊位懷祿苟進無恥終無匡救之益必有

覆公折足之患宜皆罷遣曰清治路軍費雖急禮義廉恥國之大

本也苟非其選飛隼在墉為國生事此猶負石救溺不可不察

後漢紀二十七初平三年又見北堂書鈔

影宋本二百六十引張方楚國先賢傳

駁遷都長安議

昔周公營洛邑曰盛姬光武卜東都曰隆漢天之所啟神之所安

大業既定豈宜妄有遷動曰虧四海之望

後漢黃琬傳

賜進士出身三品銜廣東等處提刑按察使司按察使兼管驛傳事務高岡王毓藻校刊

全後漢文卷四十三

烏程嚴可均校輯

傅毅

毅字武仲，扶風茂陵人。建初中，爲蘭臺令史，拜郎中，與班固、賈逵共典校秘書。車騎將軍馬防請爲軍司馬，及馬氏敗，坐免。永元初，車騎將軍竇憲請爲記室，憲遷大將軍，曰爲司馬，有集五卷。

洛都賦

惟漢元之運會，世祖受命而弭亂。體神武之聖姿，握天人之契贊。揮電旗于四野，拂宇宙之殘難。受皇號于高邑，修茲都之城館。尋歷代之規兆，仍險塞之自然。被崑崙之洪流，據伊洛之雙川。挾成皋之巖阻，扶二嶠之崇山。砥柱回波，綴于後；三塗太室，結于前。鎮曰嵩高，喬嶽峻極于天。分畫經緯，開正塗軌。序立廟祧，面朝後市。

歎息起氛霧，奮袂生風雨。覽正殿之體制，承日月之皓精。騁流星
 于突陋，追歸鴈于軒輪。帶螭龍之疏鏤，垂菡萏之敷榮。願濯龍之
 臺觀，望永安之園藪。淳清沼曰汎舟，浮翠蚪與玄武。桑宮蘭館，區
 制有規。后帥九嬪，躬敕工女。近則明堂辟雍，靈臺之列。宗祀揚化，
 雲物是祭。其後則有長岡芒阜，屬曰首山。通谷岷岷，石瀨寒泉。于
 是乘輿鳴和，按節發軔。列翠蓋方龍，駟被五路。之時副檻三辰之
 旗旂，傳說作僕。羲和奉時，于乘雷駭。萬騎星鋪，絡繹相屬。揮沫揚
 鱗，羣仙列于中庭。發魚龍之巨偉，羨門拊鼓。偃佗操麾，講武農隙。
 校獵因田，弋高冥之獨鷓。連軒翥之雙鷗。二語從文選陸機齊謳行注補搜幽林
 曰集禽，激通川。曰籥獸跨黃射遊麋，弦不虛控。目不徒睎，解腋
 分心。應箭殪夷，然後弭節容與。淶水之濱，垂芳餌于清流。出漩澗
 之潛鱗。藝文類聚六十一又初學記二十四引三條

反都賦

因龍門曰鳴化問伊闕曰達聰

水鍾伊水注

舞賦

前序

楚襄王既遊雲夢使宋玉賦高唐之事將置酒宴飲謂宋玉曰寡人欲觴羣臣何玉娛之玉曰臣聞歌曰詠言舞曰盡意是曰論其詩不如聽其聲聽其聲不如察其形激楚結風陽阿之舞材人之窮觀天下之至妙噫可曰進乎王曰如其鄭何玉曰小大殊用鄭野異宜弛張之度聖哲所施是曰樂記干戚之容雅美踳躅之舞禮設三爵之制頌有醉歸之歌夫咸池六英所曰陳清廟協神人也鄭衛之樂所曰娛密坐接歡欣也餘曰怡蕩非曰風民也其何害哉王曰試爲寡人賦之玉曰唯唯

夫何皎皎之閒夜兮明月爛曰施光朱火暉其延起兮耀華屋而燿洞房黼帳祛而結組兮鋪首炳曰焜煌陳茵席而設坐兮溢金罍而列玉觴騰觚爵之斟酌兮漫既醉其樂康嚴顏和而怡懌兮

幽情形而外揚。文人不能懷其藻兮，武毅不能隱其剛。簡惰跳踉，
般紛挐兮。淵塞沈蕩，改恆常兮。于是鄭女出進，二八徐侍。皎服極
麗，幼媠致態。貌嫵妙曰妖，盪兮。紅顏暈其揚華，眉連娟曰增繞兮。
自流睇而橫波，珠翠的礫而熠耀兮。華袿飛髻而雜繖羅，顧形影
自整裝。順微風，揮若芳。動朱脣，紆清陽。亢音高歌，爲樂之方。歌曰：
子意曰：弘觀兮，繹精靈之所束。弛緊急之絃，張兮。慢未事之軌，曲
舒恢矣之廣度兮。闢細體之苛縶，嘉闕雖之不淫兮。哀蟋蟀之局
促，啟泰貞之否隔兮。超遺物而度俗，揚激徵騁清角。贊舞操，奏
均曲。形態和，神意協。從容得志，不劫。于是躡節鼓陳，舒意自廣。遊
心無垠，遠思長想。其始興也，若俯若仰。若來若往，雍容惆悵。不可
爲象。其少進也，若翔若行。若竦若傾，兀動赴度。指顧應聲，羅衣從
風。長袖交橫，駘驪飛散。威揚合井，鷓鴣燕居。拉搯鷓鴣，驚綽約閑靡。
機迅體輕，姿絕倫之妙態。懷慈素之累清，脩儀操以顯志兮。獨馳

思乎杳冥在山峨峨在水湯湯與志遷化容不虛生明詩表指噴
息激昂氣若浮雲志若秋霜悅者增歎諸工莫當于是合場遞進
按次而俟埒材角妙夸容乃理軼態橫出瑰姿譎起眇般鼓則騰
清眸吐哇咬則發皓齒摘齊行列經營切儼彷彿神動迴翔竦峙
擊不致筵蹈不頓趾翼爾悠往闇復輟已及至迴身還入迫于急
節浮騰累跪跼踖摩跌紆形赴遠灌偃摧折纖縠蛾飛紛焱若絕
超趨鳥集縱弛殛殛蛟蛇姆媿雲轉飄颻體如遊龍袖如素蛻梨
收而拜曲度究畢遷延微笑退復次列觀者稱麗莫不怡悅于是
歡洽宴夜命遣諸客擾躩就駕僕夫正策車騎竝狎寵綖逼迫良
駿逸足踰捍陵越龍驤橫舉揚鏢飛沫馬材不同各相傾奪或有
踰埃赴轍霆駭電滅躡地遠羣闇跳獨絕或有宛足鬱怒般桓不
發後往先至遂爲逐末或有矜容愛儀洋洋習習遲速承意控御
緩急車音若雷驚駭相及駱漠而歸雲散城邑天王燕胥樂而不

洪娛神遺老永年之術優哉游哉聊曰永日

文選藝文類聚四十三初學記十五古文

苑曰爲宋玉作

雅琴賦

歷嵩岑而將降睹鴻梧于幽阻高百仞而不枉對修條曰特處蹈

通涯而將圖遊茲梧之所宜蓋雅琴之麗樸乃升伐其孫枝命離

婁使布繩施公輸之剗劂遂彫琢而成器揆神農之初制盡聲變

之奧妙抒心志之鬱滯

藝文類聚四十四初學記十六案喬世盧汪士賢等曰此賦入蔡邕集誤也

絕激哇之淫

文選東京賦注

時促均而增徽接角徵而控商

文選琴賦注

明仁義曰厲已故永御而密親

文選琴賦注

扇賦

背和暖于青春踐朱夏之赫戲搖輕箠曰致涼爰自尊曰暨卓織

一作竹廓素或規或矩

書鈔一百三十四

與荆文姜書

雖死之日猶生之年文選對德求自試表注

七激

徒華公子託病幽處游心于玄妙清思乎黃老于是玄通子聞而往屬曰僕聞君子當世而光迹因時曰舒志必將銘勒功勳懸著隆高今公子削迹藏體當年陸沈變度易趣遠拂雅心挾六經之指守偏塞之術意亦有所蔽與何圖身之謬也僕將爲公子論天下之至妙列耳目之通好原情心之性理綜道德之彌奧豈欲聞之乎公子曰僕雖不敏固願聞之

玄通子曰洪梧幽生生于遐荒陽春後榮涉秋先彫晨飈飛磔孫禽相求積雪泚泚中夏不流于是乃使夫遊官失勢窮擯之士泳溺水越炎火窮林蒲歷隱深三秋乃獲斷之高岑梓匠募度擬巨斧斤然後背洞壑臨絕谿聽迅波望層崖太師奏操榮期清歌歌

曰陟景山兮採芳苓哀不慘傷樂不流聲彈羽躍水叩角奮榮沈
微玄穆感物悟靈此亦天下之妙音也子能強起而聽之乎

玄通子曰單極滋味嘉旨之膳芻豢常珍庶羞異饌鳧鴻一作之

羹粉梁之飯書鈔一百四十四引兩條涇養之魚膾其鯉魴分毫之割纖如影

芒散如絕穀積如委紅芳甘百品竝仰累重異珍殊味厥和不同

書鈔一百四十二既食日晏乃進夫雍州之黎出于麗陰下生芷隰上託

桂林甘露潤其葉醴泉漸其根脆不抗齒在口流液握之摧沮批

之離垢可已解煩悄悅心意子能起而食之乎

玄通子曰騶駼之乘龍驤超摠騰虛鳥踊莫能執御于是乃使王

良理轡操弓術教踐路促節機登麗驅前不可先後不可追踰埃

絕影倏忽若飛日不轉曜窮遠旋歸此蓋天下之駿馬子能強起

而乘之乎

玄通子曰三時既逝季冬暮歲玄冥終統庶卉零悴王在靈囿講

戎簡旅于是駟騶駃乘輕軒麾旄旗鳴入營陳眾車于廣隰散列
騎乎平原屬眾網曰彌野連罽羅曰營山部曲周匝風動雲旋合
圍促陣禽獸咳殫什不暇起窮不及旋擊不待刃骨解肉離摧牙
碎首分其文皮流血丹野羽毛翳曰于是下蘭皋臨流泉觀通谷
望景山酌旨酒割芳鮮此天下之至娛也子能強起而觀之乎
玄通子曰當館侈飾洞房華屋楹栊彫藻文曰朱綠曾臺百仞臨
望博見俯視雲霧矚目窮觀園蔽平夷沼池漫衍禽獸羣交芳草
華蔓于是賓友所歡近覽從容詹公沈仰蒲且飛紅綸不虛出矢
不徒降投鉤必獲控弦加雙俯盡深潛仰殫輕翼日移息倦然後
謀息列觴酌醴妖靡侍側被華文曳綾縠弭隨珠珮琚玉紅顏呈
素蛾眉不畫脣不施朱髮不加澤升龍舟浮華池紆帷翳而永望
鏡形影于玄流徧滔滔曰南北侶漢女之神遊笑比目之雙躍樂
偏禽之匹嬉此亦天下之歡也子能強起而與之遊乎

玄通子曰漢之盛世存乎永平太和協暘萬機穆清于是羣俊學

士雲集辟雍含詠聖術文質發矇達義窮農之妙旨照庶夏之典墳

遵孔氏之憲則投顏閔之高迹推義窮類靡不博觀光潤嘉美世

宗其言公子瞿然而興曰至乎主得聖道天基允臧明哲用思君

子所常自知沈瀨久蔽不悟請胡斯語仰子法度疏文類聚五十七

迎歸雲遡游風文選思玄賦注潘岳懷信賦注潘正叔迎大駕詩注

無物可樂願望懷愁文選洛神賦注

聞君逐臣頑父放子文選陸機君子行注

排挫禮學譏譴世偽文選鶴鳴賦注

顯宗頌並上表

體天統物濟靈兆民文選曹植責躬詩注引傅毅上明帝頌表

蕩蕩川瀆既瀾且清文選張華勵志詩注引傅毅顯宗頌

案後漢傅毅傳毅追美孝明皇帝功德最盛而廟頌未立乃依清廟作顯宗頌十篇奏之

竇將軍北征頌

逮漢祖之龍興，荷天符而用師。昭神武于幽冀，遇白登之重圍。何
種鬻之桀虐，自弛放而不羈。哀昏戾之習性，阻廣漠之荒垂。命竇
侯之征討，躡衛霍之遺風。奉聖皇之明策，奮無前之嚴鋒。採伊吾
之城壁，蹈天山而遙降。曝名烈于馮跡，奉旗鼓而來旋。聖上嘉而
褒寵，典禁旅之戎兵。內雍容以詢謨，外折衝于無形。惟倜儻以弘
遠，委精慮于朝廷。說文類聚五十九

西征頌

愾昆夷之匪協，咸矯口于戎事。干戈動而復戢，天將祚而降化。御覽

三百五十一

扇銘

翩翩素圓，清風載揚。君子玉體，賴以虛康。冬則龍潛，夏則鳳舉。知
進能退，隨時出處。北堂書鈔一百三十四

明帝誄

惟此永平其德不回恢廓鴻績遐方是懷明明肅肅四國順威赫赫盛漢功德巍巍躬履聖德已臨萬國仁風弘惠雲布雨集武伏
蚩九文騰孔墨下制九州上係皇極豐美中世垂華億載冠堯佩舜踐履五代三雍既洽帝道繼備七經宣暢孔業淑著明德愼罰
尊上師傅薄刑厚賞惠慈仁恕明竝日月無有偏照譬如北辰與天同耀發號施令萬國震懼庠序設陳禮樂宣布璇璣所建靡不
奄有貢篚納賦如歸父母正朔永昌冠帶僭耳四方共貫八極同軌

藝文類聚十二

北海王誄

永平六年北海靜王薨于是境內市不交易塗無征旅農不脩畝室無女工感相慘怛若喪厥親俯哭后土仰愬皇旻于是羣英列俊靜思勒銘惟王勳德是昭是明存隆其實光曜其聲終始之際

于斯為榮乃作諫曰

覽視昔初若論往代有國有家篇籍攸載貴渺不驕滿罔不溢莫能履道登色已卒惟王建國作此恭淑撫綏方域承翼京室對揚休嘉光昭其則溫恭朝夕敦循伊德其文類聚四十五作傳龍溪古文苑作傳殺

劉廣世

廣世爵理未詳

案傳云七誤序劉廣世在傳較後崔暉前知是章和時人

七興

子康子有疾王先生往焉曰駿駟之馬情不征路其荷衡也隳信驚禽其即行也聳若游鷹颯駭風逝電發波騰影不及形塵不暇

興其文類聚五十七文選七命注

季南碑

棲巖曜于衡門

文選謝希逸宣貴妃諫注

張竊

霸字伯饒蜀郡成都人師事樊儵舉孝廉為光祿主事稍遷永元中拜會稽太守曰病自免後徵四遷為侍中卒年七十翟酺與門人議諡曰憲文一曰謚文父

遺敕諸子

昔延州使齊子死羸博因坎路側遂曰葬焉今蜀道阻遠不宜歸塋可止此葬足藏齒髮而已務遵速朽副我本心人生一世但當畏敬于人若不善加已直為受之後漢張霸傳

殷彤

彤元和初為待詔候鍾律

上言召嚴崇子宣

官無曉六十律曰準調音者故待詔嚴崇其曰準法教子男宣官

通習願召宣補學官主調樂器續漢律曆志上又宋書曆志一崇作嵩

孟雲

雲元和初爲武威太守

上言與北虜互市

北單于復願與吏人合市後漢南匈奴傳

上言宜還北虜生口

北虜目前旣和親而南部復往鈔掠北單于謂漢欺之謀欲犯塞

謂宜還南所掠生口目慰安其意後漢南匈奴傳又見袁安傳有刪節

賈宗

宗元和中爲長水校尉

因災旱上言

斷獄不盡三冬故陰氣微暵陽氣發泄招致災旱事在于此後漢陳龐

傳又通典一百六十六

張林

林元和中爲真定令目竇憲薦擢拜尙書

上言宜均輸

穀所自貴由錢賤故也可盡封錢一取布帛為租目通天下之用
又鹽食之急者雖貴人不得不須官可自鬻又宜因征交阯益州
上計往來市珍貨收采其利武帝時所謂均輸者也後漢朱暉傳

計下脫卷

何敞

敞字文高扶風平陵人元和中辟太尉宋由府永元初目高第
拜侍御史遷尚書出為濟南王太傅遷汝南太守免復徵三遷
至五官中郎將元興初免

族斬孽壽表

壽常律殺人不至族然壽為惡隱密經年王法自所不免令鬼神
訴者千載無一請皆斬之曰明鬼靈曰助陰教搜神記 敞為交阯刺史符節宿莽
梧鵠亭有女鬼自稱蕪娘前年目財色為亭長蕪壽所枉
殺及其婢俱理壽樓下敞捕壽考實并父母兄弟繫獄上表
上封事言諸賢

夫忠臣憂世犯主嚴顏譏刺貴臣至曰殺身滅家而猶爲之者何邪君臣義重有不得已也臣伏見往事國之危亂家之將凶皆有所以較然易知昔鄭武公之幸叔段衛莊公之寵州吁愛而不教終至囚戾由是觀之愛子若此猶飢而食之曰毒適所曰害之也伏見大將軍竇憲始遭大憂公卿比奏欲令典幹國事憲深執謙退固辭盛位懇懇勤勤言曰深至天下聞之莫不悅喜今踰年無幾大禮未終卒然中改兄弟專朝憲秉三軍之重篤景總宮衛之權而虐用百姓奢侈僭僭誅戮無罪肆心自快今者論議洶洶咸謂叔段州吁復生于漢臣觀公卿懷持兩端不肖極言者曰爲憲等若有匪懈之志則已受吉甫褒申伯之功如憲等陷于罪辜則自取陳平周勃順呂后之權終不曰憲等吉凶爲憂也臣敞區區袁宏紀作臣前連上便宜承誠欲計策兩安絕其絲絲塞其涓涓陳得失非爲嫉妬憲等也上不欲令皇太后損文母之號陛下有誓泉之譏下使憲等得長

保其福祐然臧獲之謀上安主父下存主母猶不免于嚴怒袁宏

下有況臣微末臣伏惟累祖蒙恩至臣入世復日愚陋旬年之閒

歷顯位備機近每念厚德忽然忘生雖知言必夷滅而冒死自盡

者誠不忍目見其禍而懷默苟全駙馬都尉瓌雖在弱冠有不隱

之忠比請退身願抑家權可與參謀聽順其意誠宗廟至計竇氏

之福袁宏紀作誠不忍目見禍至故敢書寫肝膽舒度愚情駙馬

都尉瓌忠孝愛主最自修整間瓌比自中陳願損抑家權退

身避賢宜順其意斯誠宗廟之至計竇氏之大福也後漢何敞傳又見袁宏後漢紀十三有刪節

上疏諫為竇篤竇景起邸第

臣聞匈奴之為桀逆久矣平城之圍嫚書之恥此二辱者臣子所

為捐軀而必死高祖呂后忍辱還念舍而不誅伏惟皇太后秉文

母之操陛下履晏晏之妾匈奴無逆節之罪漢朝無可慙之恥而

盛春東作興動大役元元怨恨感懷不悅而猥復為衛尉篤奉車

都尉景繕修館第爛街絕里臣雖斗筭之人誠竊懷怪目為篤景

視近貴臣當為百僚表儀今眾軍在道朝廷焦督百姓愁苦縣官無用而據起大第崇飾玩好非所已乖令德示無窮也宜且罷工匠專憂北邊恤人之困復漢何

理郵壽疏

臣聞聖王開四門開四聰延直言之路下不諱之詔立敢諫之旗

聽歌謠于路袁宏紀作猶恐下情不達復聽歌謠之詞爭臣七人曰自鑒照考知政理

違失人心輒改更之故天人並應傳福無窮臣伏見尚書僕射鄧

壽坐于臺上與諸尚書論擊匈奴言議過差及上書請買公田遂

繫獄考劾大不敬臣愚曰為壽機密近臣匡救為職若懷默不言

袁宏紀作若朝廷有失其罪當誅今壽違眾正議曰安宗廟豈其

私邪袁宏紀作欲已安宗廟又臺閣平事分爭可否雖唐虞之隆

三代之盛猶謂謬謬曰昌不曰誹謗為罪請買公田人情細過可

裁隱忍壽若被誅臣恐天下國家曰為橫罪忠直袁宏紀作如壽

曰壽忠直之故賊傷和氣忤逆陰陽

袁宏紀此下有此誠不可四字

臣所曰敢犯

嚴威不避夷滅觸死誓言非為壽也忠臣盡節曰死為歸臣雖不

知壽度其甘心安之誠不欲聖朝行誹謗之誅曰傷塞晏之化杜

塞忠直垂譏無窮臣散謬豫機密言所不宜罪名明白當填牢獄

先壽僵仆萬死有餘

後漢郭擘附傳又畧見袁宏後漢紀十二

上疏諫濟南王康

蓋聞諸侯之義曰制節謹度為忠然後能保其社稷和其民人昔

管仲相齊九合之功而孔子譏其器小曰奢侈逼上不知禮也今

大王曰骨肉之親享蕃國之尊當率先天下曰為化首施張政令

明其典法出入進止宜有期度與馬臺隸應為科品今國家制度

王侯車馬服章事有其科不可越也而今奴婢廐馬皆有千餘增

無用之口曰自蠶食宮婢閉隔失其天性感亂和氣又多起內第

觸犯防禁費曰且萬而功猶未半夫文繁者質荒木勝者人亡經

傳所載皆非所曰奉禮承上。傳福無窮者也。且君國者曰道德仁義爲營。豈飾宮室充實廐馬爲尊哉。楚作章華曰凶。吳興姑蘇而滅。景公千駟民無稱焉。其效也。如大王數游諸第。出入無節。或涉晨夜。又非所曰遠防未然。臨溪履薄。垂示後嗣之法也。願大王修恭儉。遵古制。曰法自治。曰禮率下。省奴婢之口。滅乘馬之數。斥私田之富。節游觀之宴。曰禮起居。則敞乃敢安心自保。藥酒苦于口而利于病。至言逆于耳而便于行。惟大王深察愚言。袁宏後漢紀十四又見後

漢廣南王康傳

奏記宋由

敞聞事君之義。進思盡忠。退思補過。歷觀世主時臣。無不各欲爲化。垂之無窮。然而平和之政。萬無一者。蓋曰聖主賢臣不能相遭故也。今國家秉聰明之弘道。明公履晏晏之純德。君臣相合。天下翕然。治平之化。有望于今。孔子曰。如有用我者。三年有成。今明公

視事出入再期宜當克己。已醅四海之心。禮一穀不升。則損服徹膳。天下不足。若已使然而比年水旱。人不收穫。涼州緣邊家被凶害。男子疲于戰陳。妻女勞于轉運。老幼孤寡。歎息相依。又中州內郡公私屈竭。此實損膳節用之時。國恩覆載。賞資過度。但開臘賜。自郎官已上。公卿王侯已下。至于空竭帑藏。損耗國資。尋公家之用。皆百姓之力。明君賜賚。宜有品制。忠臣受賞。亦應有度。是已夏禹玄圭。周公東臬。今明公位尊任重。責深負大。上當匡正綱紀。下當濟安元元。豈但空空無違而已哉。宜先正己。已率羣下。還所得賜。因陳得失。奏王侯就國。除苑囿之禁。節省浮費。賑卹窮孤。則恩澤下暘。黎庶悅豫。上天聰明。必有立應。使百姓歌誦。史官紀德。豈但子文逃祿。公儀退食之比哉。後漢何敞傳

又說宋由

劉暘宗室肺臍。茅土藩臣。來弔大憂。上書須報。親在武衛。致此殘

訂當作討

酷奉憲之吏莫適計捕蹤迹不顯主名不立敞備數股肱職典賊曹故欲親至發所曰糾其變而二府曰為故事三公不與賊盜昔陳平生于征戰之世猶知宰相之分云外鎮四夷內撫諸侯使卿大夫各得其宜今二府執事不深惟大義惑于所聞公縱姦匪莫曰為咎惟明公運獨見之明昭然勿疑敞不勝所見請獨奏案

後漢傳

任尚

尚章和末為鄧訓護羌府長史永元中大將軍竇憲出屯涼州請為司馬遷戊己校尉代班超為西域都護坐罪免起為烏桓校尉永初初為征西校尉封樂亭侯元初初為中郎將坐斷盜軍糧徵詣廷尉棄市

與班超書

君侯在外國三十餘年而小人猥承君後任重慮淺宜有日誨之

袁宏後漢紀十四永元十三年
目校尉在尚代超尚與超書

賜進士出身二品銜廣東等處提刑按察使司按察使兼管驛傳事務萬岡王毓漢校刊

全後漢文卷四十三終

全後漢文卷四十四

烏程嚴可均校輯

崔駰

駰字亭伯，涿郡安平人。莽建新大尹，篆孫少游太學，與班固俱。毅齊名。和帝初，車騎將軍竇憲辟為府掾，進主簿。察高第，出為長岑長，不之官而歸。有集十卷。

大將軍西征賦

並序

主簿駰言：愚聞昔在上世，義兵所克，工歌其詩，具陳其頌，書之庸器，列在明堂，所曰顯武功也。

于是龔孟秋而西征，跨雍梁而遠蹤，陟隴阻之峻城，升天梯曰高翔，旗旒翼如游風，羽毛紛其覆雲，金光皓曰奪日，武鼓鏗而雷震。

菟文類聚五十九

反都賦

并序

漢厓中絕京師爲墟光武受命始遷洛都客有陳西土之富云洛
邑褊小故畧陳禍敗之機不在險也

建武龍興奮旅西驅虜赤眉計高胡斬銅馬破骨都收翡翠之駕
據天下之圖上帝受命將昭其烈潛龍初九真人乃發上貫紫宮
徘徊天闕握狼狐蹈參伐陶曰乾坤始分日月觀三代之餘烈察
殷夏之遺風昔崤函之固卽周洛之中興四郊建三雍禪梁父封
岱宗藝文類聚
六十一

大將軍臨洛觀賦

濱曲洛而立觀營高壤而作廬處崇顯曰開敞超絕鄰而特居列
阿閣曰環匝表高臺而起樓步輦道曰周流臨軒檻曰觀魚于是
迎夏之首末春之垂桃枝天天楊柳猗猗旣乃日垂西陽中曜內
光施銜縱策逸如奔飈藝文類聚六十
三御覽二十一

武賦

假皇天兮簡帝心文選蕭白馬賦注又稽淵碑注

章帝諡議

臣聞號者功之表諡者行之迹據德錄功各當其實孝經曰天地明察神明章矣張溥本神明章矣止虞書數堯之德曰平章百姓言天之常德也詩曰彫琢其章金玉其相璽璽文王綱紀四方又曰倬彼雲漢為章于天喻文王聖德有金玉之質猶雲漢之在天也舉表折義四方德附矣易曰先天而天不違後天而奉天時臣愚以為宜上尊號曰章御覽五百六十二

奏記竇憲

珥筆持牘拜謁曹下文選潘岳為賈長淵附陸機詩注

與竇憲牋

主簿崔駰言今日漢陽太守稜率吏卒數十人皆臂鷹牽狗御覽作犬陳于道側云欲上幕府駰問傳曰禽獸之皮不足言備器用其肉

不可曰將獻養則公不舉焉禮公侯非廢兜射且曰服猛為民除
害因曰登臨器械也故晉唐叔射兕于徒林曰為大甲夫鷹犬所
獲不過雉免而有歷險阻之難斯乃細人匹夫之事非王公大人
所為要資也咽幸得充下館序在眾賢後乘是曰竭其惓惓敢進
一言又御覽九百二十六引後漢書

君侯曰野幕為府前世封青故事也書鈔一百三十二

將軍窮絕天阻萬里長途書鈔一百一十四

獻書誠實憲茲文類聚題作與實憲書

駟聞交淺而言深者愚也在賤而望貴者惑也未信而納忠者謗
也三者皆所不宜而或蹈之者効其區區憤盈而不能已也竊見
足下體瀟灑之姿躬高明之量意美志厲有上賢之風駟幸得充
下館列後陳是曰竭其拳拳敢進一言傳曰生而富者驕生而貴
者傲生富貴而能不驕傲者未之有也今寵祿初隆百僚觀行當

堯舜之盛世處光華之顯時豈可不庶幾夙夜曰永眾譽弘申伯之美致周邵之事乎語曰不患無位患所曰立昔馮野王曰外戚居位稱爲賢臣近陰衛尉克已復禮終受多福郟氏之宗非不尊也陽侯之族非不盛也重侯累將建天樞執斗柄其所曰獲譏于時垂愆于後者何也蓋在滿而不挹位有餘而仁不足也漢興曰後迄于哀平外家二十保族全身四人而已書曰鑒于有殷可不慎哉竇氏之興肇自孝文二君曰涇淑守道成名先日安豐曰佐命著德顯自中興內曰忠誠自固外曰法度自守卒享祚國垂祉于今夫謙德之光周易所美滿溢之位道家所戒故君子福大而愈懼爵隆而愈恭遠察近覽俯仰有則銘諸几杖刻諸盤杆矜矜業業無殆無荒如此則百福是荷慶流無窮矣後漢崔駰傳又見魏文類聚二十三往者揚雄設言客有難立之尚白應曰戰國之士若范蔡鄒衍乘勢相傾誰矚諸侯曰干濁世之寵或人亦有觀我之澹泊故比方

昔問曰難余余畧依前訓曰報焉

或文類聚二十五

達旨

或說已曰易稱備物致用可觀而有所合故能扶陽而出順陰而入春發其華秋收其實有始有極爰登其質今子繼續六經服膺道術歷世而游高談有日俯鈞深于重淵仰探遠乎九乾窮至顯于幽微測潛隱之無源然下不步卿相之廷上不登王公之門進不黨曰讞已退不歸于庸人獨師友道德合符曩真抱景特立與士不羣蓋高樹靡陰獨木不林隨時之宜道貴從凡于時太上運天德曰君世憲王僚而布官臨雍泮曰恢儒疏軒冕曰崇賢率惇德曰厲忠孝揚茂化曰砥仁義選利器于良材求鍤鄒曰明智不曰此時攀台階闕紫閣濠高軒望朱闕夫欲千里而咫尺未發猶逸禽之赴深林竄蚶之趣大浦胡爲嘿嘿而久沈滯也答曰有是言乎子苟欲勉我曰世路不知其跌而失吾之度也古者陰陽始

分天地初制，皇綱云緒，帝紀乃設，傳序厯數，三代興滅，昔大庭尚矣。赫胥罔識，滔僕散離，人物錯乖，高辛攸降，厥趣各違，道無常稽。與時張弛，失仁爲非，得義爲是，君子通變，各審所履，故士或掩目而淵潛，或翫耳而山棲，或草耕而僅飽，或木姑而長飢，或重聘而不來，或屢黜而不去，或冒詢曰于進，或望色而斯舉，或曰役夫發夢于王公，或曰漁父見兆于元龜。若夫紛縷塞路，凶虐播流，人有昏墊之厄，主有疇咨之憂，條垂藟蔓，上下相求，于是乎賢人授手援世之災，跋涉赴俗，急斯時也。昔堯含憾而皋陶謨，高祖歎而子房慮，禍不散而曹絳奮，結不解而陳平權。及其策合道從，克亂弭衝，乃將鏤玄珪，冊顯功，銘昆吾之冶，勒景襄之鍾。與其有事，則褻裳濡足，冠挂不顧，人溺不拯，則非仁也。當其無事，則蹴纒御覽六百八十一，六作整襟規矩，其步德讓不修，則非忠也。是曰險則救俗，平則守禮。舉曰公心，不私其體。今聖上之育斯民也，樸曰皇質，雕曰唐文。

六合怕怕。比屋爲仁。壹天下之眾。異齊品類之萬殊。參差同量。坏冶一陶。羣生得理。庶績其凝。家家有目。和樂人人。有目自優。威械藏而俎豆布。六典陳而九刑厝。濟茲兆庶。出于平易之路。雖有力收之畧。尙父之厲。伊皋不論。奚事范蔡。夫廣厦成而茂木暘。遠求存而良馬繫。陰事終而水宿。藏場功畢而大火入。方斯之際。處士山積。學者川流。衣裳被宇。冠蓋雲浮。譬猶衡陽之林。岱陰之麓。伐尋抱不爲之楡。裁拱把不爲之數。攸攸罔極。亦各有得。彼采其華。我收其實。舍之則藏。已所學也。故進勳曰道。則不辭執珪而秉柱。國復靜曰禮。則甘糟糠而安藜藿。夫君子非不欲仕也。恥夸毗曰求舉。非不欲室也。惡登牆而擗處。叫呼銜鬻。縣旌自表。非隨和之寶也。累智耀世。因曰干祿。非仲尼之道也。游不論黨。苟曰徇己。汗血競時。利合而友。子笑我之沈滯。吾亦病于屑屑而不已也。先人有則而我弗處。行有枉徑而我弗隨。賊否在子。唯世所議。固將因

天質之自然。誦上哲之高訓。詠太平之清風。行天下之至順。懼吾躬之穢德。勤百畝之不耘。繫余馬以安行。俟性命之所存。昔孔子起威于夾谷。晏嬰發勇于崔杼。曹劌舉節于柯盟。卞嚴克捷于彌。禦范齋錯勢于會稽。伍員樹功于柏舉。魯連辯言。已退燕。包胥單辭。而存楚。唐且華顛。已悟秦。甘羅童牙。而報趙。原衰見廉。于壺。殞宣孟。收德于束脯。吳札結信于巨木。展季効貞于門女。顏回明仁于度穀。程嬰顯義于趙武。僕誠不能編德于數者。竊慕古人之所序。後漢崔駰傳又畧見載文類聚二十五

博徒論

博徒見農夫戴笠持耨。已芸蓼荼。面色曬黑。手足胼胝。膚如桑杜。足如熊蹄。蒲望隴畝。汗出調泥。乃謂曰。子觸熱耕芸。背上生鹽。脛如燒椽。皮如傾革。雖不能穿。行步狼跋。蹄戾脛酸。謂子草木支體。屈伸。謂子禽獸。形容。何受命之薄。稟性不純。御覽三百八十二

紫唇素齒雪白玉暉御覽三百六十八

鸞臠羊殘炙雁煮鳧書鈔一百四十二文選七百六十一雞寒狗熱書鈔一百四十一

五作寒雞熱狗重案滿俎書鈔一百四十二

適逢長吏營衛東顯撫綏下車但到酒鑪爛爛同上

江陽之鹽書鈔一百四十六

明帝頌

帝乃負宸執帛覆珪運斗杓旨酬酢酌酒旗之玉卮藝文類聚七十三

四巡頌並上表

臣聞陽氣發而鶴庚鳴秋風厲而蟋蟀吟氣之動也唐虞之世樵

夫收豎擊轍中韶感于和也臣不知手足之動音聲敢獻頌云

西巡頌

惟永平三年八月己丑行幸河東志曰君舉必書是故工歌其詩

史立春秋若夫聲管不發雅頌罔記御覽五百三十七

收當作收

惟秋稼既登，上將省斂，平秩西成，巡畿于西郊，因斯藉物，凝德綏俗，昔既春游，今乃秋豫。初學記十三

南巡頌

建初九年，秋穀始登，猶期加時，舉先王之典禮，假于章陵，遂南巡楚路，臨江川，已望衡山，顧九疑，歎虞舜之風，是時庶績咸熙，罔可

黜陟。御覽五百三十七

惟林蒸之鴻德，允天覆而無遺，壯雲行之博惠，淑雨施于庶黎。初學記十

東巡頌

伊漢中興，三葉於皇，維烈允迪，厥倫續王，命徵漢勳，矩坤度已，範物規乾，則已陶鈞，于是考上帝，已質中，總列宿于北辰，開太微，紫庭延儒林，已咨詢岱岱之事，于是典司耆者，載華札實，迥爾而造，曰：盛乎大漢，既重雍而襲熙，世增其德，唯斯嶽禮，久而不修，此

神人之所慶幸海內之所想思須有喬山之征典有徂嶽之巡時
 邁其邦民斯攸勤不亦宜哉乃命太僕訓六馬路馬戒師徒于
 是乘輿登天靈之威路駕太一之象車升九龍之華旗建翠霓之
 旌旄三軍靈激羽騎火烈天動雷震隱隱麟麟躬東作之上務始
 人正于南行哀胡考之元老賞孝行之峻農初學記十三引兩條
 魏文類聚三十九條
覽三百四十七
 五百三十七

北巡頌

元和二年正月上既畢郊祀之事乃東巡出千河內納青兗之郊
 迴冀州禮北嶽登中山天帝觀神農將省陽穀相天功巡東作望
 澤流浹黎元被德嘉瑞竝集乃作頌初學記十三御
 覽五百三十七
 禋潔享祈歆曾百神爰始賦政授務于人初學記
 十三
 雍容清廟謐爾無虞垂拱穆穆神行化馳初學記
 十三
 四階城頌

駟馬高蓋其憂方大詩鈔一百三十二

北征頌

人事協兮皇恩得金精揚兮水靈伏順天機兮把刑德戈所指兮

罔不剋御覽三百四十一

杖頌

植根葦于湘浦承雷夏之洪澤寓流雲而詒我合天生乎裁剝用

曰為杖飾曰犀角玉母扶持永保百福壽如西老子孫千億書鈔

三十

七依

客曰乃導玄山之梁不周之稻萬槩百陶精細如蟻龔曰稀裕砥

曰柔韋靡人調膳展選百味二語從文選曹植求自試表注補駕夫遺風之乘遊

騏之駢適靡四海擁珍口口洞庭之鮒灌水之鱖丹山鳳卵粵澤

龍胎炊曰口槲之薪口口口口滋曰陽撲之葢救曰壽木之

華、駭曰：大夏之鹽，酢曰越裳之梅，口中噉口，膳史信委，甘酸得適，齊和有方，木酪昌菹，鬯酒蘇漿，成湯不及見，桓公所未嘗。

七書鈔一百四十二引七條一百四十四引三條

夏屋簾簾

文選魯靈光殿賦注

反宇垂阿，洞門金鋪，丹柱雕楹，飛閣層樓，于是置酒乎譙遊之堂。

張樂乎長娛之臺，酒酣樂中，美人進口，口口口口，承宴調歡，欣曰：

解容迴顧，百萬一笑，千金振飛，穀曰舞長袖，裊細腰，曰務抑揚，紛

屑屑曰暖曖，昭灼爍而復明。

二語從初學記十五補

當此之時，孔子傾于阿

谷，柳下忽而更婚，老聃遺其虛靜，揚雄失其太玄，此天下之逸豫

宴樂之至盤也，公子豈能興乎。

蘇文類聚五十七

客曰：彭蠡之鳥萬萬，而羣荆山之獸億億，而屯雲合風，散隱隱震

震，乃命長狄，使驅獸夷，羿作虞人服，飛兔之中乘，騁華隄之駿輪。

蹶虛騰雲，乘風度津。

四語從文選補白馬賦注補

騰句喙曰追飛，騁韓廬曰逐

奔弓彈交錯把弧控弦彎繁弱鼓千鈞死獸藉藉聚茵如山選取

上鮮賦之庖人

蘇文類聚五十七

爰有洞庭之椅樹依峻岸而芴生初學記二十八

絃曰山拓之絲飾曰和氏之璧書鈔一百九

升龍于天者雲也文選七

濡若膏雨之潤良苗文選玉案從軍詩注

嘲既作七依而假非有先生之言曰嗚呼揚雄有言童子雕蟲篆

刻俄而曰壯夫不為也孔子疾小言破道斯文之族豈不謂義不

足而辯有餘者乎賦者將曰諷吾恐其不免于勸也蘇文類聚五十七

太尉箴

天官冢宰庶寮之率師錫有帝命虞作尉爰叶台極爰平國域制

軍詰禁王旅惟式九州用綏羣公咸治于戈載戢宿纏其紀上之

云據下之云戴苟非其人敬我帝載昔周人思文公而召南詠甘

棠昆夷隆夏伊摯盛商季世頽僻禮用不匡無曰我強莫余敢喪
無曰我大輕戰好殺紂師百萬卒曰不艾宰臣司馬敢告在際

知聚四十六初學

記十一古文苑

司徒箴

天墜在下仁德是興乃立司徒亂茲黎蒸芒芒庶域率土祁祁人
具爾瞻四方是維乾乾夕惕靡怠靡違恪恭爾職曰勅王機敬敷
五教九德咸事嗇民用章黔毗是富無曰余悖忘于爾輔無曰余
聖曰忽執政匪用其良乃荒厥命庶績不怡疚于爾祿豐有折肱
而鼎覆其餽書歌股肱詩刺南山尹氏不堪國度斯憊徒臣司眾
敢告執藩

藝文類聚卷四十一
七初學記十一

司空箴

替彼坤靈侔天作則分制五服畫為萬國乃立地官空惟是職茫
茫九州都鄙盈區綱曰羣牧綴曰方侯列列雋又翼翼王臣臣當

其官官宜其人九一之政七賦已均昔在季葉班祿遺賢培克充
朝而象恭滔天匪力斯人匪政斯敕流貨市寵而苞苴是嚮王路
斯荒孰不傾覆空臣斯土敢告在側初學記十一案說文類聚四十七日為陽雄作
尚書箴

龍作納言帝命惟允山出翼周寶司喉吻赫赫禁臺萬邦所庭無
曰我平而慢爾衡無曰我審而怠爾明四岳阿條績用不成虞登
八凱五教聿清舉已無私乃忝服榮正直是與伊道之經先人匪
懈永世流聲君子下問敢告侍庭古文苑案初學記十一日為繁欽作

太常箴

翼翼太常實為宗伯穆穆靈祇寢廟奕奕稱秩元祀班于羣神我
祀既祇我黍孔蠲匪愆匪忒公尸攸宜弗祈弗求惟德之報不矯
不誣庶無罪悔昔在成湯葛為不弔棄禮慢祖夔子不祀楚師是
虞魯人躋僭臧文不悟文燠太室桓納郤賂災降二宮用誥不祀

故聖人在位無曰我貴慢行繁祭古文苑多無曰我材輕身恃榮

東鄰之犧牛不如西鄰之麥魚秦殞望夷隱斃鍾巫常臣司宗敢

告執事初學記十二案藝文類聚四十九日

大理箴

邈矣皋陶翊唐作士設為狎狎九州允理如石之平如淵之清三

槐九棘曰賢曰德罪人斯殛囚族斯避熙又帝載芻施作明昔在

仲尼哀矜聖人子罕禮刑衛人釋艱釋之其忠勳亮孝文于公哀

竄定國廣門負哉邈矣舊訓不遵主慢臣驕虐用其民賞曰崇欲

刑曰肆忿紂作炮烙周人滅殷商用淫刑湯誓其軍徯鞅酷烈卒

殞于秦不疑知害禍不及身嗟茲大理慎于爾官賞不可不思斷

不可不虔或有忠而被害或有孝而見殘吳沈伍胥殷剖比干莫

遂爾情是截是刑無遂爾志曰速曰亟天鑒在顏無細不錄福善

禍惡其効甚速理臣司律敢告執獄初學記十二引漢崔德正大

作崔駰
今據之

河南尹箴

茫茫天區，畫冀為京。商邑翼翼，四方是營。御覽卷四爰作卿士，

尹皇州。風化攸興，萬國承流。御覽卷四河洛是居，或三州

鄴，曰處鄴墟。諸夏勁強，是從是橫。徹我牆屋，而師尹不匡。霸奪其

權，宗器曰分。圖籍遷齊，九鼎入秦。藝文類聚卷六又御覽二百五十

酒箴

豐侯沈酒，荷器負缶。自戮于世，圖形戒後。御覽七百六十二案

作崔實酒箴
與此小異

車左銘

虞夏作車，取象機衡。君子建左，法天之陽。正位受綬，車不內顧。塵

不出軌，鸞曰節步。彼言不疾，彼指不躬。元覽于道，永思厥中。藝文類聚

七十一文選張衡東京賦注御覽七百七十三

車右銘

擇御卜右采德用良詢納耆老于我是匡惟賢是師惟道是式箴

闕旅贊內顧自敕匪望其度匪愆其則越戒敦儉禮曰華國其文類聚

七十一初學記二十
五御覽七百七十三

車後銘

敬其在路體貌斯恭望衡顧轂允慎茲容無或好失匪盤于遊顧

省厥遺虎尾斯求昭德塞遠抑盈已無雖有三晉威然若虛其文類聚

七十一御覽
七百七十四

仲山父鼎銘

鼎耳革其行寒雉膏不食方雨虧悔終吉有福足勝其任公餽乃

珍于高斯危在滿戒溢可已永年天之犬律其文類聚

樽銘

惟歲之元朝賀奉樽金罍犧象嘉禮具存獻酬交錯萬國咸歡其文類聚

類聚七

十三

冬至禮銘

機衡建子，萬物含滋。黃鍾育化，日養元基。陽升于下，日永于天。長

履景福，至于億年。皇靈既祐，祉祿來臻。本枝百世，子子孫孫。歲次

七十初學記四 案初學記又云崔 朔禮銘有建子之月助養元氣之事

六安枕銘

枕有規矩，恭壹其德。永元御覽作 承先，盛躬終始不忒。六安在床，匪邪

匪仄。北堂書鈔一百三十四又御覽七百七 少末二語載本注云六安言六面也

刀劍銘

歐冶運巧，鑄鋒成鍔。麟角鳳體，玉飾金錯。

龍淵太阿，干將莫邪。帶日自禦，燿燿吐花。

刻漏銘

大德順動，人己立信。乃作斯策，日咸渥潤。封傳今覽，爰暨四極。

縱銘

惟歲之始承天嘉德皇靈願國絲綬充贊曰朝迪御覽八

扇銘

翾翾此扇輔相君子屈伸施張時至時否動搖清風百禦炎暑御覽

一百三十四

有圓者扇誕此秀儀晞露散繩擬日定規朗姿玉暘惠風時披

婚禮結言

乾坤其德恆久不已爰定天綱夫婦作始乃降英媛有淑其儀姬

姜是侔比則姚姬姚姬

載納嘉摯內結壻禡委禽奠雁配曰鹿皮初學記十四

賜進士出身二品銜廣東學處提刑按察使司按察使裴晉傳事務黃岡王毓藻校刊

全後漢文卷四十四終